

# **ZAKON O ZADRUGAMA**

## **I - OPCE ODREDBE**

### **Član 1.**

Ovim zakonom uređuje se pojam zadruga, postupak osnivanja, organizacija i upravljanje zadrugom, imovina i poslovanje zadruga, način osnivanja i funkcija zadružnih saveza i ostala značajna pitanja iz oblasti zadrugarstva.

### **Član 2.**

Zadruga je dobrovoljna organizacija zadrugara u kojoj svaki član sudjeluje neposredno i ravnopravno, i u kojoj zajedničkim poslovanjem, po načelu uzajamne pomoći, unapređuje i zasticuje svoj ekonomski i drugi interes i stice dobit u skladu sa zakonom i statutom zadruga.

### **Član 3.**

U skladu sa odredbama ovog zakona i svojim ustavnim ovlastenjima, kantoni-zupanije mogu bliže uređivati pojedine oblike zadrugarstva.

### **Član 4.**

Zadruga stice svojstvo pravnog lica upisom u sudski registar.  
Zadruga obavlja jednu ili više djelatnosti za koje je registrovana i za koje ispunjava uslove.

### **Član 5.**

Zadruga može početi obavljanje djelatnosti za koju je registrovana na osnovu rješenja nadležnih organa o ispunjavanju tehničkih i drugih uslova propisanih za obavljanje te djelatnosti.

### **Član 6.**

Djelatnost zadruga se određuje u skladu sa Standardnom klasifikacijom djelatnosti.

### **Član 7.**

Zadruga može zaključivati ugovore i obavljati druge poslove prometa robe i usluga u okviru djelatnosti za koje je registrovana.

### **Član 8.**

Firma je ime pod kojim zadruga posluje i može sadržavati graficke ili stilizirane oznake.  
Zadruga može imati i skraćenu oznaku firme.

### **Član 9.**

Sjediste zadruga je mjesto u kojem se obavlja djelatnost zadruga.  
Ako se djelatnost obavlja u više mjesta, sjediste zadruga je mjesto utvrđeno ugovorom o osnivanju zadruga ili statutom zadruga.

**Član 10.**

Zadruga može promijeniti sjedište.

Odluka o promjeni sjedišta zadruge donosi se na način predviđen ugovorom o osnivanju zadruge ili statutom zadruge.

**II - OSNIVANJE ZADRUGE**

**Član 11.**

Zadrugu mogu osnovati najmanje tri poslovno sposobna fizička lica.

Izuzetno, stambenu zadrugu može osnovati najmanje 30 poslovno sposobnih fizičkih lica.

Stedno-kreditna zadruga osniva se u skladu sa ovim zakonom i Federalnim zakonom o bankama.

**Član 12.**

Strani državljani mogu osnovati zadrugu na području Federacije Bosne i Hercegovine (u daljem tekstu: Federacija) pod uvjetom uzajamnosti.

Saglasnost o postojanju uzajamnosti izdaje nadležno Federalno ministarstvo.

**Član 13.**

Zadruga se osniva zaključenjem ugovora o osnivanju zadruge.

Ugovor se zaključuje u pismenoj formi i sadrži:

- imena osnivača,
- firmu i sjedište zadruge i djelatnost zadruge,
- iznos sredstava za osnivanje i početak rada zadruge i način obezbjeđivanja sredstava,
- oblik, visinu i broj osnivačkih uloga zadrugara,
- rok u kojem se moraju unijeti osnivački uložci,
- prava i obaveze osnivača u pogledu obavljanja djelatnosti, upravljanja, učešća u dobiti, nastupanja u pravnom prometu zadruge, odgovornosti i povrata sredstava,
- ime lica koje će sazvati osnivačku skupštinu,
- visinu jamstva zadrugara,
- druge odredbe koje se odnose na osnivanje, poslovanje i prestanak zadruge.

Nakon zaključenja ugovora o osnivanju zadruge i unosa osnivačkih uloga u skladu s ugovorom o osnivanju, saziva se osnivačka skupština zadruge.

Osnivačka skupština donosi statut zadruge i imenuje direktora zadruge.

**Član 14.**

Osnivaci zadruge ulazu u zadrugu osnivačke uloge, a novi zadrugari uloge.

Osnivački i drugi uložci mogu biti u novcu, stvarima i pravima izraženim u novčanoj protuvrijednosti. Način procjene novčane protuvrijednosti uloga utvrđuje se ugovorom o osnivanju zadruge.

**III - UPRAVLJANJE ZADRUGOM**

**Član 15.**

Zadugom upravljaju zadrugari.

U upravljanju zadugom svaki zadrugar ima jedan glas, ako ugovorom o osnivanju ili statutom zadruge nije drukčije određeno.

**Član 16.**

Organi zadruge su skupština, nadzorni odbor i direktor.

Statutom zadruge može se predvidjeti obrazovanje i drugih tijela i utvrditi njihov djelokrug, način izbora i trajanje mandata, prava, obaveza i odgovornosti i druga pitanja značajna za rad zadruge.

**Član 17.**

Najvisi organ upravljanja u zadruzi je skupština zadruge.

Skupstinu zadruge čine svi zadrugari, odnosno od njih ovlaštene predstavnici.

Skupština zadruge:

- donosi statut zadruge,
- odlučuje o planiranju rada i razvoja zadruge, o raspodjeli i upotrebi dobiti i pokricu gubitaka,
- imenuje i razrješava direktora zadruge,
- usvaja godišnji obračun zadruge,
- imenuje i razrješava nadzorni odbor zadruge, odnosno druga tijela zadruge,
- odlučuje o izdavanju vrijedonosnih papira,
- odlučuje o statusnim promjenama i drugim pitanjima predviđenim ugovorom o osnivanju zadruge, statutom i zakonom,
- utvrđuje visinu udjela svakog pojedinog zadrugara u ukupnoj imovini zadruge,
- odlučuje o drugim pitanjima predviđenim statutom ili koja nisu u nadležnosti drugih tijela zadruge.

**Član 18.**

Nadzorni odbor kontrolise poslovanje zadruge i obavlja druge poslove predviđene statutom zadruge. O nalazima u svom radu nadzorni odbor obavještava skupstinu zadruge. Broj članova nadzornog odbora utvrđuje se statutom zadruge.

**Član 19.**

Skupština zadrugara, u skladu sa statutom zadruge, imenuje i razrješava direktora zadruge.

Za direktora može biti imenovan i zadrugar koji ispunjava uslove utvrdjene zakonom i statutom zadruge.

Direktor ne može biti član Nadzornog odbora.

**Član 20.**

Zadrugari mogu obavljati stručne i druge poslove u zadruzi prema svojim stručnim i radnim sposobnostima, u skladu sa statutom zadruge.

**Član 21.**

Radnici zaposleni u zadruzi ostvaruju svoja prava i obaveze iz radnog odnosa u skladu sa zakonom, kolektivnim ugovorom i statutom zadruge.

Radnik zaposlen u zadruzi može postati zadrugar ako ispunji uvjete predviđene statutom zadruge.

**IV - IMOVINA I POSLOVANJE ZADRUGE**

**Član 22.**

Imovinu zadruge čine osnivački uložci zadrugara, uložci novih zadrugara i sredstva ostvarena radom i poslovanjem zadruge. Imovina zadruge zajednička je imovina zadrugara srazmjerno njihovim udjelima.

Ugovorom o osnivanju zadruge utvrđuje se rok u kome zadrugar ne može raspolagati svojim udjelom u zadruzi niti pojedinim stvarima i pravima iz zajedničke imovine niti može zahtijevati njezinu diobu. Zadruga u

## **"Službene novine FBiH", broj: 28/97**

svom poslovanju koristi imovinu zadruga, a može koristiti imovinu i sredstva zadrugara i drugih domaćih, stranih fizičkih i pravnih lica može koristiti zemljište i druga sredstva u društvenoj (državnoj) svojini ukoliko su zadruzi ustupljena ugovorom u skladu sa zakonom. Ugovor o korištenju zemljišta u državnoj-društvenoj svojini i visinu naknade za korištenje zaključuje sa zadrugom kantonalno-z upanijski organ uprave nadležan za poslove poljoprivrede.

### **Član 23.**

Dobit koju zadruga ostvari svojim poslovanjem pripada zadrugarima srazmjerno njihovom ulogu i doprinosu u radu zadruga, u skladu sa odredbama ugovora o osnivanju i statutom zadruga. Skupština zadruga može odlučiti da dobit ili dio dobiti upotrijebi za razvoj zadruga. Posebnim ugovorom zaključenim između zadruga i lica koja su uložila sredstva u zadrugu, a nemaju status zadrugara, utvrđuje se pravo na učestvovanje u raspodjeli dobiti.

### **Član 24.**

Zadruga posluje u svoje ime i za svoj račun, u ime i za račun zadrugara, a može poslovati u svoje ime i za račun zadrugara u skladu sa ugovorom o osnivanju i statutom zadruga. Zadruga u pravnom prometu odgovara za svoje obaveze svom svojom imovinom. Za obaveze zadruga koje se ne mogu izmiriti iz imovine zadruga, zadrugari odgovaraju do visine jamstva utvrđenog ugovorom o osnivanju zadruga. Statutom zadruga utvrđuje se rok, koji ne može biti kraći od godinu dana, u kome zadrugar koji je istupio iz zadruga odgovara za obaveze nastale za vrijeme njegovog članstva.

## **V - PRESTANAK ZADRUGE**

### **Član 25.**

Zadruga prestaje:

1. ako Skupština zadruga dvotrecinskom većinom svih glasova zadrugara odluci da zadruga prestaje;
2. ako Skupština zadruga odluci da se zadruga spoji sa drugom zadrugom, da se pripoji drugoj zadruzi ili da se podijeli na više zadruga;
3. ako se pravosnažnom odlukom suda utvrdi nistavost upisa u sudski registar;
4. u slučaju stečaja;
5. u drugim slučajevima utvrđenim zakonom, ugovorom o osnivanju, odnosno statutom zadruga.

### **Član 26.**

Ako se zadruga spoji sa drugom zadrugom, pripoji drugoj zadruzi ili se podijeli na više zadruga, imovina i obaveza zadruga se prenose na njene pravne sljedbenike. Nad zadrugom koja prestaje u drugim slučajevima predviđenim članom 25. ovog zakona provodi se postupak likvidacije.

### **Član 27.**

Prestankom zadruga imovina u zadruzi, nakon podmirenja obaveza prema povjeriocima, raspoređuje se zadrugarima u skladu sa ugovorom o osnivanju i statutom zadruga.

**VI - OBLICI ZADRUŽNOG ORGANIZOVANJA**

**Član 28.**

Zadruge mogu za svoje potrebe osnivati preduzeca, banke, stedionice, stedno-kreditne sluzbe, zadruzne berze, skole, poljoprivredne i veterinarske sluzbe i druge institucije, u skladu sa zakonom.

**Član 29.**

Zadruge, preduzeca, druga pravna i fizicka lica mogu se udruzivati u zadruzni savez kantona-zupanija. Pravna i fizicka lica iz stava 1. ovog clana mogu se udruzivati u saveze po djelatnostima, poslovne i opce. Zadruge i preduzeca, odnosno zadruzni savezi kantona -zupanija mogu se udruzivati u Zadruzni savez Federacije Bosne i Hercegovine (u daljem tekstu: Zadruzni savez Federacije). Udruzivanjem u Zadruzni savez, clanicama se ne moze ograniciti poslovna samostalnost. Zadruzni savezi kantona-zupanije i Zadruzni savez Federacije su pravna lica i upisuju se u sudski registar.

**Član 30.**

Zadruzni savezi pruzaju strucnu i drugu pomoc pri unapredjivanju poslovanja postojećih zadruga, osnivanju novih zadruga i saraduju sa nadleznim organima kod donosenja propisa i mjera od interesa za zadruge. Članice u okviru zadruznih saveza kantona-zupanija uskladjuju i ostvaruju ekonomske, poslovne i druge interese i funkcije, programe proizvodnje i druga pitanja predvidjena statutom zadruznih saveza. Zadruzni savezi kantona-zupanija zastupaju interese clanica u privrednim komorama i pred drzavnim organima. Zadruzni savezi kantona-zupanija mogu organizovati kurseve, seminare, sajmove i sl. u svrhu obrazovanja i usavsavanja zadrugara i radnika u zadrugama i preduzecima. Zadruzni savez Federacije zastupa clanice u medjunarodnim zadruznim institucijama. Zadruzni savezi mogu osnivati preduzeca za poslove zadruzne revizije u skladu sa Federalnim zakonom o reviziji, zastupati zadruge i pokretati postupak za povracaj zadruzne imovine.

**Član 31.**

Zadruznim savezom upravljaju clanice na nacin utvrdjen statutom saveza. Statutom zadruznog saveza utvrđuje se nacin obezbjedjivanja sredstava za rad zadruznog saveza.

**VII - VRACANJE ZADRUŽNE IMOVINE**

**Član 32.**

Vracanje zadruzne imovine uredit ce se posebnim zakonom.

**VIII - KAZNE NE ODREDBE**

**Član 33.**

Novcanom kaznom od 500 do 1.000 DEM kaznice se za privredni prijestup zadruga:

1. ako obavlja djelatnost koja joj nije upisana u sudski registar (clan 4.);
2. ako otpocne djelatnost prije nego sto dobije odobrenje o ispunjavanju propisanih uslova (clan 5.). Za radnje iz stava 1. ovog clana kaznice se za privredni prijestup i odgovorno lice u zadruzi novcanom kaznom od 100 do 300 DEM.

**Član 34.**

Novčanom kaznom od 100 do 500 DEM kaznice se za prekršaj zadruga:

1. ako u poslovanju ne upotrebljava firmu ili skraćenu oznaku firme onako kako je upisana u sudski registar (član 8. stav 1.);
2. ako odluku o promjenama sjedišta ne donese na način predviđen ugovorom o osnivanju zadruga ili statutom zadruga (član 10.).

Za radnje iz stava 1. ovog člana kaznice se za prekršaj i odgovorno lice u zadruzi kaznom od 50 do 100 DEM.

**Član 35.**

Novčane kazne iz čl. 33. i 34. ovog zakona placaju se u DEM ili u protuvrijednosti valute Bosne i Hercegovine po srednjem tečaju koji utvrđuje i objavljuje Centralna banka Bosne i Hercegovine na dan plaćanja.

Novčane kazne iz stava 1. ovoga člana mogu se plaćati u valutama koje se, do puštanja u opticaj valute Bosne i Hercegovine, koriste u platnom prometu u Federaciji, a tečajni odnos utvrđuje se na osnovu podataka Centralne banke Bosne i Hercegovine i odgovarajuće finansijske institucije.

**IX - PRELAZNE I ZAVRŠNE ODREDBE**

**Član 36.**

Zadruge koje obavljaju privredne djelatnosti mogu se uclanjivati u privredne komore i druge asocijacije u zemlji i inostranstvu preko zadružnih saveza, ukoliko statutom saveza nije drugačije određeno.

**Član 37.**

Postojeće zadruge, zadružna preduzeća i zadružni savezi dužni su uskladiti svoje poslovanje sa odredbama ovog zakona u roku od godinu dana od dana stupanja na snagu ovog zakona. U slučaju da postojeće zadruge, zadružna preduzeća i zadružni savezi, ne usklade svoje poslovanje s odredbama ovog zakona u roku iz stava 1. ovog člana, gube status pravnog lica i brisu se iz sudskog registra po službenoj dužnosti.

**Član 38.**

U postupku uskladjivanja poslovanja sa odredbama iz člana 37. stav 1. ovog zakona, postojeće zadruge dužne su omogućiti sticanje svojstava zadrugara pod istim uslovima i onim zadrugama kojima je prestalo članstvo u zadruzi, a bili su neprekidno pet godina zadrugari, odnosno njihovim pravnim sljedbenicima.

**Član 39.**

Danom stupanja na snagu ovog zakona na teritoriji Federacije BiH prestaje primjena propisa o zadrugama koji su se primjenjivali na teritoriji Federacije do stupanja na snagu ovog zakona.

**Član 40.**

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući Doma naroda **Mariofil Ljubić**, s. r.

Predsjedavajući Predstavničkog doma **Enver Kreso**, s. r.